



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆԻ ՔԱՂԱՔԱՊԵՏԱՐԱՆ
«ՆՈՐՔ-ՄԱՐԱՇ ԲԺՇԿԱԿԱՆ ԿԵՆՏՐՈՆ» ՓԲԸ

Медицинский Центр “Норк-Мараш”

ՀՀ, ք. Երևան, Նորք

“Nork-Marash” Medical Center

Армения, г. Ереван, Норк,

Ս. Արմենակյան 108/4

Armenakian str. 108/4

ул. А. Арменакаяна 108/4

Հեռ. (+37410) 65 09 71; 65 09 61

Yerevan 0047, Armenia

Тел: (+37410) 65 09 71; 65 09 61

Ֆաքս (+374 10) 65 38 69

Phone: (+37410) 65 38 69

Факс: (+37410) 65 38 69

կամ 65 05 60

Fax: (+37410) 65 38 69, 65 05 60

или 65 05 60

E-mail: heart@nmmc.am

ք. Երևան

27.11.2023թ.

Որոշում

**<<Նորք-Մարաշ>> բժշկական կենտրոն ՓԲԸ տնօրենի
 Թիվ ՆՄԲԿ-ԳՀԱՊԶԲ- 24/11-1**

Բժշկական նշանակության ապրանքների և պահեստամասերի ձեռքբերման նպատակով 30.10.2023 թվականին <<Նորք-Մարաշ>> բժշկական կենտրոն<> ՓԲԸ-ն գնումների կելտարնային համակարգի միջոցով հայտարարել է ՆՄԲԿ-ԳՀԱՊԶԲ-24/11 ծածկագրով գնման ընթացակարգ (այսուհետև՝ Ընթացակարգ)։ Ընթացակարգին 14 և 16-րդ չափաբաժիններով մասնակցել է <<ԱՆՆԱԲԿԱ>> ՍՊԸ-ն (Այսուհետև՝ Ընկերություն)։

Հայտերի բացման և գնահատման նիստին գնահատող հանձնաժողովի թիվ 8 որոշմամբ, հաշվի առնելով ՀՀ պետական վերահսկողական ծառայության 16.11.2023թ. թիվ Ե/2354-23 գրությունը, հիմք ընդունելով ՀՀ կառավարության 2017 թվականի մայիսի 4-ի N526-Ն որոշմամբ հաստատված <<գնումների գործընթացի կազմակերպման կարգ>>-ի (Այսուհետև՝ Կարգ) 121-րդ կետի պայմանները, Ընկերության հայտը մերժվել է։ Միաժամանակ, հիմք ընդունելով Կարգի 32-րդ կետի 1-ին կետի 19-րդ ենթակետի, ինչպես նաև Ընթացակարգի հրավերի 8.14-րդ կետի պահանջները, Ընկերության՝ հրավերով նախատեսված գնումներին մասնակցելու իրավունք ունենալու մասին հավաստումը(հայտով ներկայացված հավելված 1-ը) որակվել է որպես իրականությանը չհամապատասխանող և այդ հանգամանքը համարվել է որպես գնման գործընթացի շրջանակում ստանձնված պարտավորության խախտում։

Գնահատող հանձնաժողովի վերոնշյալ գործողությունների հիմքում ընկած է այն փաստը, որ 06.05.2023 թվականից <<Էսզեթ Ֆարմա>> ՍՊԸ-ն ներառված է գնումների գործընթացին մասնակցելու իրավունք չունեցող մասնակիցների ցուցակում։ Այդ ժամանակ ընկերության 100% իրական շահառու հանդիսացել է Երեմ Սարգսյանը (համաձայն պետական վերահսկողական ծառայության գրության)։ Երեմ Սարգսյանը հանդիսանում է նաև <<ԱՆՆԱԲԿԱ>> ՍՊԸ-ի իրական շահառու համաձայն ներկայացված հայտի, հետևաբար <<ԱՆՆԱԲԿԱ>> ՍՊԸ-ի հանդեպ գործում է Կարգի 121-րդ կետում նախատեսված մասնակցության սահմանափակումը։

Ընթացակարգի հրավերի 1-ին մասի 8.14 կետով սահմանված է հետևյալը.

<<Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում։ Պատվիրատուի ղեկավարի պատճառաբանված որոշումը լիազորված մարմինը հրապարակում է տեղեկագրում։ Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ժամուցումը) հրապարակելու օրվան հաջորդող տասներորդ օրը։ Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին։ Լիազորված մարմինը մասնակցին ներառում է գնումների գործընթացին մասնակցելու իրավունք

չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդ օրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Եթե՝

- սույն կետով նախատեսված՝ լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է հայտի, պայմանագրի և (կամ) որակավորման ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին.

- մասնակցի կամ պայմանագիրը կնքած անձի կողմից հայտի, պայմանագրի և (կամ) որակավորման ապահովման գումարի վճարումն իրականացվել է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան լիազորված մարմնի կողմից մասնակցին ցուցակում ներառելու համար սահմանված քառասունօրյա ժամկետը լրանալը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից բողոքարկման վերաբերյալ հարուցված և չավարտված դատական գործի առկայության դեպքում՝ ոչ ուշ, քան տվյալ դատական գործով եզրափակիչ դատական ակտի ուժի մեջ մտնելը, ապա պատվիրատուն դրա մասին գրավոր տեղեկացնում է լիազորված մարմին, որի հիման վրա մասնակիցը չի ներառվում ցուցակում:

Ընդ որում եթե մասնակցի գնումներին մասնակցելու իրավունք ունենալու մասին դիմում-հայտարարությունը որակվում է որպես իրականությանը չհամապատասխանող կամ մասնակիցը սույն իրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը (այդ թվում շտկման ենթակա) կամ ընտրված մասնակիցը չի ներկայացնում որակավորման կամ պայմանագրի ապահովում կամ եթե ընթացակարգը կազմակերպված է Օրենքի 15-րդ հոդվածի 6-րդ մասով նախատեսված կարգավորմանը համապատասխան և դրա արդյունքում համաձայնագիր կնքելու նպատակով պայմանագիրը կնքած անձը սահմանված ժամկետում միակողմանի հաստատված հայտարարության՝ տուժանքի (այսուհետ նաև տուժանք) ձևով ներկայացված պայմանագրի և (կամ) որակավորման ապահովումը չի փոխարինում բանկային երաշխիքով կամ կանխիկ փողով, ապա այդ հանգամանքը համարվում է որպես գնման գործընթացի շրջանակում մասնակցի ստանձնված պարտավորության խախտում: >>

Ընդունելի գիտություն, որ Ընթացակարգի հրավերով հայտի ապահովման ներկայացման պահանջ առկա չէ և սույն որոշման կայացման պահին Ընկերության կողմից հայտի ապահովում չի վճարվել Պատվիրատուին:

Մասնակցի						
Անվանումը	ՀՎՀՀ	Գործունեության հասցեն	Գնումների գործընթացին մասնակցելու պայմաններին չբավարարելու իրավական հիմքը			Ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			Խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	Խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	Որպես ընտրված մասնակցի հրաժարվել է կամ գրկվել է պայմանագիր կնքելու իրավունքից	
<<ԱՆՆԱՐԿԱ >> ՍՊԸ	02656691	ք. Երևան, Քաջագնունի փ. 11/23	Խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	-	-	27.11.2023թ: ՆՄԲԿ- ԳՀԱՊՁԲ-24/11

Ելնելով վերոնշյալ փաստական հանգամանքներից, ղեկավարվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա) ենթակետով և նույն հոդվածի 2-րդ մասով.

ՈՐՈՇԵՑԻ

<<ԱՆՆԱՐԿԱ>> ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում երկու տարի ժամկետով:

Սույն որոշումը կարող է բողոքարկվել ՀՀ գնումների մասին օրենսդրությամբ սահմանված կարգով:

ՏՆՕՐԵՆ՝

Մ.ՅՈՒ. ԱՂԱՄՅԱՆ

